

مشتاقنامه

مطبعه و محل اداره :

جفال اوغلانده امنیت
صندوغی جوارنده
شنکول یقوشنده
۲۷ نومرو

اضطار :

مسلکمزده موافق آثار
جدیده مع الممنونیه
قبول اولنور

درج ایدله یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست ، و بالخاصه احوال و مشوره اسلامیه بحث ایرر و هفته ده بر نشر اولنور .

آبونه بدلی

صاحب و مؤسسلری :

ابوالعلا زین العابدین - ح . اشرف ادیب
تاریخ تأسیسی

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

۱۰ تموز ۳۲۴

در سعادتده نسخہ سی ۵۰ پاره در

قیرله دن مقوا بورو ایله کوندربیلر سه سنوی
۲۰ غروش فضله آلیر

آلتیجی جلد

۱۴ جمادی الاول پنجشنبه ۵ مایس ۳۲۷

عدد : ۱۴۱

صراط مستقیم جریدہ اسلامیہ سی واسطہ سیلہ

اسلام علمای کرامندہ استنباط

ازمیر غزنہ لری حضر الیاس کونی، ازمیر روم مکتبی طلبہ سنک یونان قرالی یورکیہ تبریک تلغرافی چکدکلینی، بوکا متره پولید افندیکنک تشویقاندہ فلان بولندیغنی یازمشدی. «طنین» غزنہ سی دە بومسالہ خیل اهمیت ویرہرک برباش مقالہ ایلہ برقاچ فقرہ یازمہ یہ لزوم کوردی. عثمانلی مملکتدہ، عثمانلی تبعہ سی دینلن آدملردن بهضارینک بر اجنبی قرالک یوم مخصوصنی تبریک ایدہرک شتاک یاملری، تلغراف چکملری عثمانلیلرک چوغنک البتہ خوشنہ کیتمز. لکن بنم برشیتہ عقم ایرمیور: قرال یورکیکنک یوم مخصوصندہ، شتاک یاپان، بایرام ایدن یالکر ازمیرک روم مکتبی طلبہ سی دکل، ممالک عثمانیہنک اسلام، خرسیتیان، یہودی، قادین، ارکک، بیوک، کوچوک بالجلہ اہالیسی اولدیغنی حالہ، ازمیر غزنہ لری و «طنین» جریدہ معتبرہ سی نەدن یالکر متره پولید ایلہ اوروم طلبہ سنہ طاقیلدیورلر ۱۹۰۰.

بومکتوبی یازان احقر العبادہ اوکون ایشمی کوچی بر اقوب بایرام، سیران یامق ایچون سرای بورنہ چیقدم. اوراسی اویلہ غلبہ لقدی کہ ما حشر الله! ہمدہ چوغی مسلمانلر، چارشافلی خانلر.. نہ رمضان، نہ قربان بایرامندہ بوقدر سرور وشادی کورمہ مشدم. بر طرفدہ عسا کر عثمانیہ او طورمش حضر الیاس قوزیسی ییورلر، موزیقہ لری دە اہویہ لطیفہ ترنم ایدیور.. دیرکن برونہ صیریلارقدن و اورادہ طربلاشمش اہالی وعسکری بر آز مستیزی سلاملارکی بر قاچ دفعہ لر دودوک اوتدیرہرک، باشند اشاغی آلا یی اراقلری ایلہ دونامش بر واپور کچدی. کوندیرینہ باقدم. مائیلی بیاضلی یونان سنجاغی.. بو کوریش بر آندہ حافظہ می اویاندیردی. بوکونک «آیا یورکی - حضر الیاس» اولدیغنی خاطر لادم. بن دە، بوکون بوسرای بروتنی طولدیران اسلام قامایالری دە، سددہ موزیقہ چالوب قوزی ییین تورک عسکرلری دە ہیچز بورایہ آیا یورکی کی، یونان قرالک اسم اولیاسی، پیری، مقدس یورکی کی تجیلہ طوبلاشمش، او خرسیتیان اولیاسنک یورطیسنی بایرامنی یاییورز...

خرستیان اولیاسی دیدم اما، بودہ پک طوغری اولماسہ کرک، آیا یورکی نصرانیتک ظہورندن اول مشرک اسکی یونانک قوای طبیعیہ یی تمثیل ایدن معبودلرندمی، نیم معبودلرندمی، شمدی ایی خاطریمدہ قالمش، بریسی کہ نصرانیتک یونانہ، رومایہ توسعدن صوکرہ، دیکر بر چوق آرقداشلری کی اودہ خرسیتیانلا شہرق، اولیای نصارادن اولمشدر.. آیا یورکی ایلہ بزم حضر والیاس (ع. م) لرک نہ مناسبتی اولدیغنی، شدت جہلدن دولای، بن بیلمیورم. بونک ایضاحنی سزدن. علمای زماندن رجا ایدیورم. یالکر شونی بیلیورم کہ مسلمانلرک چوغندہ حضر الیاس بایرامی یوقدر. حضر الیاس کونی، اسکی مسلمان جغرافیاسی اصطلاحنہ اقلیم الرومدہ ظہور ایتش بریوم مخصوصدر. بنابرین روملردن مسلمانلرہ کچمش

اولماسی، تعبیر دیکرلہ روملا شہق نتیجہ سی اولسی اغلب احتمالدر. اکربو تخمین طوغری ایسہ، نەدن روملا شہقندہ دوام ایدہم؟ نەدن ہر سنہ اسکی یونان معبودی، اسکی نصارا اولیاسی مقدس یورکینک یورطیسنہ اشتراکدہ عناد واصرار ایلہم؟ نەدن، ہر سنہ جنوب قومشومزک ناجداری جنابارینہ، اسم کونی مناسبتیلہ بردونما یایلم؟ ہلہ جنوب قومشولریمز قرالرینہ بواسمی، بوتون اقلیم الرومدہ تسعید ایدیہرک اولیا اسمی، لقصد، لسیاسہ طاقشیر ایسہ..

لطفاً جوابلہ ارشادیکزی بکلہ یں

محمد طغرل

اسلام عالمہ، اوروپا مطبوعاتی آراسندن برنظر

تونس مکتوبی

(پارسدہ فرانسیزجہ منتشر «جلہ عالم اسلام» کصوک نسخہ سندن مترجدر.)
بوکونلردہ یکی بر جریدہ دہا چیقدی: «بونواس»، مندرجاتی، ادبی و مزاحیدر. «بلاغ»، «وفاق» و «مدرسہ» عنوانی اوچ جریدہنک دە یاقیندہ انتشاری اعلان اولنیور. «مدرسہ» عالمی اولہ جقمش.
سیاسی، اقتصادی و اجتماعی مسائلر. — عالم اسلامک واوروپانک وقایع سیاسیہ سی، عربجہ جریدہ لر طرفندن شرح وایضاح اولنقدہدر. مصردہ، حزب وطنی رئیس فرید بکک محکومیتی تأثر و تأسف عظیم ایلہ قید ایدیایور. ۹ شباط تاریخی Le Tunisien [فرانسیزجہ محرر عرب غزنہ سی] مصر و طنپرو رینہ حسیات محبتکارانہ سنی عرض ایدیور؛ ۱۰ شباط تاریخی «المرشد»، مشارالہ علیہندہ کی حکمنامہ یی نشر ایدیور؛ ۱۲ شباط تاریخی «المشیر» ایسہ، بو تدبیر شدید مصردہ انکلیز پولتیقہ سنک بر خطاسی تلقی ایدیور.
۷ شباط تاریخی «الحاضرہ» طرابلس غرب تحدید حدودی حقندہ کی عثمانی فرانسیز اشتلافنامہ سنک متنی یازیور.
بوندن باشقہ تونس مطبوعات اسلامیہ سندن اتحاد اسلام تمایلاتی دە ظاہردر.

۵ شباط تاریخی «المشیر»، «خلافت عثمانیہ» سر لوحہ لی بر مقالہ سندن سلطانک و تورک ملتک بوتون عالم اسلامدہ ہہ کہ مونیاسنی نافذ الحکم اولمہ سنی ارزو و طلب ایدیور. تورکیہ مسلمان دولتیرینک ک مترقیسیدر. ہر بر مسلمان دولتشک سیاست خارجیہ سی استانبولدہ تمرکز و تجمع ایتہلیدر. عین جریدہنک عین نسخہ سندن وحدت واستقلال اسلامیہنک محافظہ سیچون سنی وشیحیلر آرہ سندن عقد اولنمش بر اشتلافنامہ متنی مسطوردر.

۲۴ شباط تاریخی «المرشد» «الاقبال» ک بر مقالہ سنی عیناً نشر ایدیور. بومقالہدہ مسلمان مکتبیرینک محافظہ استقلالیلہ، حال حاضر پریشانیلرندن قورتولملری ایچون، جلہ سنک بر مجموعہ دولیہ حالنہ کیروب اتحاد ایتملری توصیه اولنیور. «المرشد» ک اشبو